

黃氏逸書考

海東雜記

子史鈎沉

逸書考

干寶晉紀

甘泉黃奭學

高祖宣帝

帝問宣王度淵將何計以待君宣王曰淵棄城預走上計也據遼水拒大軍其次也坐守襄平此爲成禽耳帝曰然則三者何出對曰唯明智審量彼我乃預有所割棄此旣非淵所及又謂今往縣遠不能持久必先據遼水然後守也帝曰往還幾日對曰往百日攻百

日還百日以六十日爲休息如此一年足矣
三國魏志明帝紀注

吳將全琮寇芍陂朱然孫倫五萬人圍樊城
諸葛瑾步騭寇柵中琮已破走而樊圍急宣
王曰柵中民夷十萬隔在水南流離無主樊
城被攻歷月不解此危事也請自討之議者
咸言賊遠圍樊城不可拔挫於堅城之下有
自破之勢宜長策以御之宣王曰軍志有之
將能而御之此謂糜軍不能而任之此爲覆

軍今疆場騷動民心疑惑是社稷之大憂也
六月督諸軍南征車駕送津陽城門外宣王
以南方暑溼不宜持久使輕騎挑之然不敢
動於是乃令諸軍休息洗沐簡精銳募先登
由號令示必攻之勢乃夜遁追至三州口大
殺獲

魏志三少帝紀注

孝惠帝

武帝使侍中荀顗和嶠俱至東宮觀察太子
顗還稱太子德識進茂而嶠云聖質如初

魏志

荀彧傳注

曹爽

爽留車駕宿伊水南伐木爲鹿角發屯田兵
數千人以爲衛

魏志曹爽傳注

桓範出赴爽宣王謂蔣濟曰智囊往矣濟曰
範則智矣驚馬戀棧豆爽必不能用也

魏志同上

藝文九十三 御覽八百九十五引棧豆
作芻豆又四百三十二引至智囊往矣

魯芝 楊綜

爽旣誅宣王卽擢芝爲并州刺史以綜爲安

東叅軍

魏志曹爽傳注

王淩

淩到項見賈逵祠在水側淩呼曰賈梁道王
淩固忠於魏之社稷者唯爾有神知之其年
太傅有疾夢淩逵爲厲甚惡之遂薨

魏志王淩傳注

孟達

達初入新城登白雲塞嘆曰劉封申耽據金
城千里而失之乎

魏志明帝紀注

諸葛誕

數百人拱手爲列每斬一人輒降之竟不變
至盡時人比之田橫吳將于銓曰大丈夫受
命以兵救人旣不能克又束手於敵吾弗取
也乃免冑冒陣而死

魏志諸葛誕傳注

初壽春每歲兩潦常淹城邑故文王之築圍
也誕笑之曰是固不攻而自敗也及大軍之
攻亢旱踰月城旣陷是日大雨圍壘皆毀誕
子覲字仲思吳平還晉覲子恢字道明位至
尙書令追贈左光祿大夫開府

魏志同上

馬隆

兖州武甯東不馬隆託爲愚家客以私財更
殯葬行服三年種植松柏一州之士媿之

魏志

王爰傳注

愚謂令孤愚王凌外甥

賈充

成濟問賈充曰事急矣若之何充曰公畜養
汝等爲今日之事也夫何疑濟曰然乃油戈
犯蹕

魏志三少帝紀注

劉陶

母邱儉之起也大將軍以問陶陶答依違大將軍怒曰卿平生與吾論天下事至於今日而更不盡乎乃出爲平原太守又追殺之

魏志

劉曜傳注

蔣濟

蔣濟以曹真之勲力不宜絕嗣故以熙爲後濟又病其言之失信於爽發病卒

魏志曹爽傳注

呂安

呂安兄巽善於鍾會巽爲相國掾俱有寵於

司馬文王故遂抵女罪

魏志王粲傳注

嵇康

正元二年司馬文王反自樂嘉殺嵇康呂安

魏志王粲傳注

陳咸

曾字穎考正元中爲司隸校尉時母邱儉孫女適劉氏以孕繫廷尉女母荀爲武衛將軍荀顗所表活旣免辭詣廷尉乞爲宮婢以贖女命曾使主簿陳咸爲議議曰大魏承秦漢

之弊未及革制所以追戮已出之女誠欲殄醜類之族也若已產育則成他家之母於法則不足懲奸亂之源於情則傷孝子之思男不御罪於他族而女獨嬰戮於二門非所以哀矜女弱均法制之大分也臣以爲在室之女可從父母之刑旣醮之婦使從夫家之戮朝廷從之乃定律令

魏志何夔傳注

曾謂

姜維

會謂維曰來何遲也維正色流涕曰今日見

此爲速矣會甚奇之

蜀志姜維傳注

姜維爲蜀相國亡主辱弗之死而死於鍾會之亂惜哉非死之難處死之難也是以古之烈士見危授命投節如歸非不愛死也固知命之不長而不得其死也

蜀志同上引于寶曰此當是姜維論

諸葛瞻

瞻雖智不足以扶危勇不足以拒敵而能外不負國內不改父之志忠孝存焉

蜀志諸葛瞻傳注引

于寶曰案當是諸葛瞻論

薛瑩

武帝從容問瑩曰孫皓之所以亡者何也瑩對曰歸命侯臣皓之君吳也昵近小人刑罰妄加大臣大將無所親信人人憂恐各不自保危亡之釁實由於此帝遂問吳士存亡者之賢愚瑩各以狀對

吳志薛綜傳注

趙達

魏文帝之在廣陵吳人大駭乃臨江爲疑城自石頭至於江乘車以木植衣以葦席加采

飾焉一夕而成魏自江西望甚憚之遂退軍
權令趙達算之曰曹丕走矣雖然吳衰庚子
歲權曰幾何達屈指而計之曰五十八年權
曰今日之憂不暇及遠此子孫事也吳志孫
權傳注
御覽一百九十二引至一夕而成車以木植
作以本爲板

陟瓘

陟瓘奉使如魏入境而問諱入國而問俗壽
春將王布示之馬射而問之曰吳之君子亦
能斯乎陟曰此軍人騎士肄業所及士大夫

君子未有爲之者矣布大慙旣至魏帝見之
使儼問曰來時吳王何如陟對曰來時皇帝
臨軒百寮陪位御膳無恙晉文王饗之百寮
畢會使儼者告曰某者安樂公也某者匈奴
單于也陟曰西王失土爲君王所禮位同三
代莫不感義匈奴邊塞難羈之國君王懷之
親在坐席此誠威恩遠著又問吳之戍備幾
何對曰自西陵以至江都五千七百里又問
曰道里甚遠難爲堅固對曰疆界雖遠而其

險要必爭之地不過數四猶人雖有八八之
軀靡不受患其護風寒亦數處耳文王善之
厚爲之禮

吳志孫皓傳注

書鈔四十引至

岑昏

皓殿中親近數百人叩頭謂皓曰北軍日近
而兵不舉刃陛下將如之何皓曰何故對曰
生岑昏皓獨言若爾便當以奴謝百姓衆因
曰唯遂並起收昏皓駱驛追止已屠之也

孫皓傳注

吳志